

# 'Fluba "flizan nen

## Pieri

### -a cren -te

**1** <sup>1</sup>An 'bo Simón Pieri be, an ya Zozi Crizi 'suzan 'a, en an ya -yee 'pasiazan -a. Mēen 'fluba 'gυe -a cren -te, minnun pēenon nen Bali -a dre en o yi -tera Zozi da 'le 'kve 'wɪ 'zυ be, -wle. Zozi Crizi nen -cee Bali -a, en e ya -kaa 'sizan 'wɪ 'ji -a be, ya'a min bo 'va 'dɪ, -yee "wēan 'wɪ zɪe dre -kaa pēenon 'le vε -a.

<sup>2</sup>Maan laabo Bali 'lɔ 'nan 'e 'yee 'yi 'lee 'yee -fɒdɪ -trɔɔ -nɔn 'cεe 'e 'ciɪla 'da. Zɪ 'cee Bali -tɔdɪ "paa 'da 'lee -kaa san Zozi 'tɔdɪ "paa 'da "be, -a da nen 'yi 'lee -fɒdɪ -trɔɔ zɪe o dra 'cee vε -a.

#### 'Ka 'cee 'plɛblɛ pēenon 'sia -e 'cee 'ta wɪ -pɛ 'e 'sɔ Bali lɛ

<sup>3</sup>Fε pēenon nen yaa -maan 'lɔɔ -e -cee 'ta wɪ -pɛ 'e 'sɔ Bali lɛ be, Zozi -a -nɔn -cεe, kɔɔ Bali -le 'plɛblɛ a -yɾɔ. -Yee -dan nen yaa -ci kɔɔn -cεe 'wɪ -dandan dɾɛdɪ -a be, -a 'bɔ 'a nen e -kaa laabu. <sup>4</sup>En -a 'bɔ 'a nen e "yi 'nen e "mlian fε pēenon da be, -a -nɔn -cεe "le zɪ yaa 'vɪ 'e 'cɛn be -yee 'wɪ 'zυ. Yaa dre zɪe 'nan -e Bali -le 'belidɪ 'e dre 'cee vε -a, -e 'ka 'sɪ min ci 'sɔ wɪnun nen o min -nan -nyan be -wɪɔ. Min ci 'sɔ wɪnun zɪe -wεe 'trɛ 'gυe -a da 'si "fo.

<sup>5</sup>'Wɪnun zɪe -yee "wēan be, 'ka 'cee 'plɛblɛ pēenon 'sia, -e 'ka 'cee yi -teradɪ Zozi da -kɔɔn 'ka dre wɪnun 'yi "a. 'Ka dre wɪnun 'yi zɪe cεe kɔɔn be, "be -sru -e 'ka 'wɪ 'tɔ wɪ dre. <sup>6</sup>En ka 'wɪ 'tɔ wɪ dre be, "be -sru -e 'ka 'fli 'pla. En 'ka 'fli 'pla be, "be -sru -e 'ka -pɔan 'e 'sɔ. En 'ka -pɔan 'sɔ be, "be -sru -e 'ka Bali ci 'sɔ wɪ dre. <sup>7</sup>En ka Bali ci 'sɔ wɪ dre be, "be -sru -e 'ka "bɪ Zozinɔn yɪ 'yi. En 'ka "bɪ Zozinɔn 'yɪ 'yi "be, "be -sru -e 'ka min pēenon yɪ 'yi.

<sup>8</sup>-Te ka 'wɪnun pēenon zɪe -a dra, te e -ko 'padɪ -a "da "be, yaa -kɔɔnman 'nan -kaa san Zozi Crizi -tɔdɪ be, e 'ka 'wɪ "tun "a dɪ. 'Pian ka dra 'wɪ 'yi

"kaga "drenon 'a. <sup>9</sup>Pian min nen 'winun pëenon zïe, ya'a -koonman dïe, -a san a "le 'nan min nen ya'a fenan -nanjean -koobli dïe, -yee 'wï 'zï, e dre yïe 'wïzan -a. En -a ci a 'e 'sandt 'nan Bali 'yee 'wï 'wïdït fui.

<sup>10</sup>An beenun, te 'ka 'kôn "le min zïe -yee 'wï 'zï dï! Bali 'ka laabu, en e 'ka 'si "va. 'Ka 'cee 'pleble pëenon 'sia, -e 'ka 'tô "da 'pleble 'kpa! Koo -te kaa drela "da "be, 'ka 'pë 'ka 'saanman 'wï 'wïdït 'va 'li "fo "dï. <sup>11</sup>Toon Bali -taa -si 'le 'sule 'cëe -gbaun -e 'ka -wla mingonnen trë nen -a 'leda "ka "dïe -a da. Mingonnen trë zïe, -kaa san Zozi Crizi nen -kaa 'sïzan 'wï 'jï -a be, -yee vë nen.

**'Wï pëenon nen 'e 'cren -tëdt Bali -le 'fluba 'jï be, 'ka 'sia 'wï tïglï 'a!**

<sup>12</sup>Cëe -wladï mingonnen 'trëda -le "wean be, an 'wï pëenon zïe -a -cin -tôa 'ka 'jï tï pëenon man. Maan -tôa 'nan kaa -tôa 'va, en 'wï tïglï nen kaa 'man be, ka ya 'ka 'tôdt "da 'pleble. <sup>13</sup>Pian -a -cin a 'an 'jï 'nan 'be nen an ya tian 'trëda 'güe, 'an 'wï pëenon zïe -a -cin -tôa 'ka 'jï, te 'ka 'man a 'e woudu. <sup>14</sup>Maan -tôa 'nan 'an 'le 'bö 'e pu, -e 'an 'ka. -Kaa san Zozi Crizi 'wï zïe -a -nan koon 'men. <sup>15</sup>-Yee "wean zï kô 'an dre be, maan dra -te an -ka be, te 'winun zïe -a -cin yra 'ka 'jï tï pëenon man.

<sup>16</sup>Kua 'vï 'cëe 'nan -kaa san Zozi Crizi -ta pee wo -e 'e 'yee 'pleble pëenon 'ci -koon. Fien "cë kua 'pa 'cëe dï, en kü'a "nrônle 'kü 'jï en kua 'vï dï. 'Pian kü -yee -dan ci 'yï 'kü yïe 'a, <sup>17</sup>tï nen te 'tô -dan nen e "mlïan fë pëenon da be -kaa "tï Bali -a -nôn -yre "be -a man. Bali 'bö nen -yee -dan "mlïan fë pëenon da be, e 'wï tin 'ba Zozi le. Yaa 'vï -yre 'nan: «I ya 'an 'pï nen e 'sô 'men tïglï be -a, 'i 'bö nen mein 'si "va.» <sup>18</sup>Wei zïe e 'si laji, en kua 'man 'kü 'bö 'a, te kü ya Zozi "srôn Bali -le pôn da.

<sup>19</sup>Zï kü wei zïe -a 'man be, en kü yï -tëra 'wï nen Bali 'lewei vïnon -a 'vï 'e 'cën be -a da 'kpa tïglï. 'Ka dre "yï 'wï nen waa 'vï be -a va. Koo 'wï zïe e ya "le 'te 'san nen e ci 'binan klun va be -yee 'wï 'zï. E "bia zïe -trilii, -e tï nen yïde 'san böala be e 'bö. Tï zïe -a man nen tï 'cën mlen cren böala. Zozi nen, -yee 'wï pëenon 'ci "sia -cëe 'wein.

<sup>20</sup>'Wï 'güe te -a -cin 'e 'san 'ka 'jï "fo "dï. 'Wï nen Bali 'lewei vïnon -a 'vï 'li 'e 'cën, en waa cren -të Bali -le 'fluba 'jï be, blamin -le 'wï 'tôdt -a "cëe waa -ci ve dï. <sup>21</sup>Koo 'wï 'bö nen Bali 'lewei vïnon -a 'vï be, blamin -le 'wï 'tôdt "cëe 'pa o -wulo -jï dï. 'Pian Bali lei 'saun 'be 'ta 'tô o man, en 'wï nen e 'si Bali 'le be, waa 'vï.

**'Ka dre "yï minnun nen o 'wï ve 'wlu 'a Bali wei da be o va!**

**2** <sup>1</sup>Li be, Izrael 'nôn 'bö yei "be, min -mienun 'wlu -sean, te waa ve 'nan 'o ya Bali 'lewei vïnon 'a. -A -towlï "nen "nyïan 'cëe vë -a, minnun nen o 'wlu -sean, te waa ve 'nan o ya Bali -le 'wï "paanon 'a be, o -taa "kônle 'ka yei. 'Winun nen e ya 'wlu 'a, en e min -nan -nyaan "be, o -taa -a "paale 'ka 'jï. Minsan nen 'be o 'si 'wï 'jï be, wa'a 'be 'sïala min -a dï. 'Wï

nen waa dra zɛ -yee "wean be, Bali -taa 'wɪ "nen -kɔɔnle -wɛ o kligli tu va. <sup>2</sup>Wɪnun nen waa dra, te e ya -wɪdɪ "be, -a -sru "nen min "kaga -taa -sɔɔnle. 'Wɪ zɛ -yee "wean be, minnun -taa 'wɛ -wɪdɪ Bali -le -si tɪgl be -a man. <sup>3</sup>"Lala yɪdɪ 'yi "le "wean be, o 'ka see "paaman wei 'nɔɔnɔn 'a, -e 'o "lala "koo 'ka 'ɔ. 'Pian 'wɪ nen e -taa "bɔle o man be, Bali -a 'pla 'e 'cɛn -a -nan 'mɔn, ɛn o -nan -nyandɪ 'bɔ 'kogo.

<sup>4</sup>Maan -cin -tɔa 'ka 'ji 'nan, zɪ Bali -le 'pasianɔn nen laji be o 'wɪ 'wɪdɪ dre be, Bali 'ka o 'tɔle 'e "tun 'dɪ, 'pian e o -fɔ klun 'pɔ tiidii 'va. Fe zɛ -a -nan nen, o -fo 'li 'trilii, -e tin 'ba yi 'e bɔ.

<sup>5</sup>ɛn "nyian be, Noe tu va 'li be, minnun nen o yie 'ka 'naan Bali man dɛ, Bali 'ka o 'tɔle 'e "tun 'dɪ, 'pian e laa -dan fɛn -trilii, ɛn o pɛɛnɔn -nan -nyan. Min 'sɔra 'ce "nen Bali -a 'si 'wɪ 'ji, Noe 'lee min 'sɔravli. Noe zɛ -yɛ 'vɪ minnun le 'nan, o 'si 'wɪ 'wɪdɪ "dredɪ man, -e 'o 'ta wɔla 'wɪ tɪgl -sru.

<sup>6</sup>ɛn "nyian be, 'fla nen waa laabo Sodɔm 'lee Gomɔr be, Bali 'wɪ "nen -kɔɔn -wɛ, e o -nan -nyan 'tɛ 'a. 'Wɪ zɛ Bali -a dre 'nan, -e 'e dre minnun nen wa'a 'klanman Bali 'ɔ dɛ, -wee 'wɪ -kɔɔn "manve -a. <sup>7</sup>'Fla 'bɔ zɛ -a da be, min -tuwli 'ce "nen Bali -a 'si 'wɪ 'ji. Waa laabo Lot. E ya min tɪgl 'a, ɛn 'wɪ 'wɪdɪnun nen minnun zɛ waa dra be -a 'wɪ "naan "man. <sup>8</sup>Tɔ -tɔdɔ pɛɛnɔn nen e 'cɛan be, te e 'o dre wɪ -wɪdɪnun ye. ɛn 'wɪ 'wɪdɪnun nen waa ve be, te yaa maan. 'Wɪ zɛ e "naan Lot man 'e -ciala "da, e ya min tɪgl 'a -le "wean. <sup>9</sup>'Wɪ pɛɛnɔn zɛ yaa -kɔɔnman -cɛɛ 'nan, zɪ kɔ Minsan 'e minnun nen o cɪ -yee ve -a be o 'si 'wɪ 'ji be, yaa -tɔa. ɛn yaa -kɔɔnman "nyian 'nan, -si nen kɔ Minsan 'e 'ciila "da, -e 'e 'wɪ "nen -kɔɔn 'wɪ 'wɪdɪ "drenɔn le be, yaa -tɔa.

<sup>10</sup>Minnun nen Minsan 'wɪ "nen -kɔɔnman -wɛ "bɔ "be, minnun nen o 'ta wɔla 'o 'bɔ 'ci 'sɔ winun -wɪdɪ -sru "be o nen. -A -cin 'ka o 'ji 'nan, Bali a 'pleble, ɛn e 'wee tin "baa dɪ. Wa'a 'klanman 'wɪ 'tɔ -ɔ "fo 'dɪ, ɛn 'o 'fli "siala 'kpa. 'Yra 'ka o yie man Bali -le 'pasianɔn nen laji be o "srɔnnan dɪ. <sup>11</sup>Bali -le 'pasianɔn 'bɔ nen o 'pleble "mlian minnun zɛ o da be, wa'a 'wɪ 'wɪdɪ 've minnun zɛ o man Minsan 'le dɪ.

<sup>12</sup>Lua winun 'ka 'o 'wɔlo 'ji nrɔnman dɪ, o 'bɔla 'treda 'nan, -e 'o -fɔ san 'ji, -e min 'e o -tɛ. Minnun 'bɔ 'labe, o ya "le -wee 'wɪ 'zɔ. Fe nen wa'a tɔa dɛ, o "we "man -wɪdɪ. -Wee -kadt dra "le -winun zɛ -wee ve zɔ.

<sup>13</sup>'Wɪ 'wɪdɪ "nen waa dre be, o -taa -a "nen "yɛlɛ yra yɪdɪ -a. -Te tu cɛɛn be, 'wɪ nen e 'o ci "nranman be -nyɛn "fɛdɪ -blɪdɪ -a. Minnun zɛ -te o yra 'cee -blɪfɛ -sru "be, 'wɪ nen e ya paan "le 'e o -tɛ 'yra -a be, e o ci "nranman. Wee -maan minnun 'ka 'tɔ sreman. <sup>14</sup>O yie 'ka 'ciala lumɔn da dɪ, ɛn o "koe 'ka 'nyaan 'wɪ 'wɪdɪ "dredɪ -a dɪ. Minnun nen o 'ka 'o 'tɔdɪ Bali wei da tɪgl dɛ, o o "sia -si tɪgl da. Fe yɪdɪ da nen -wee ci "nrɔndɪ pɛɛnɔn cɪ. Bali -le nyran -blɪdɪ a -wee ve -a. <sup>15</sup>O 'si -si tɪgl be 'be da, ɛn o 'san. -Si -tuwli "nen Beɔr -pɪ Balam -a 'sia 'li be, -a da nen o sɔɔnla. "Lala yɪdɪ 'yi "le "wean

Beor -pɪ zɪɛ, e ya "vale 'e 'wɪ 'wɪdɪ "dra, <sup>16</sup>pian Bali a "trɔɛn nyuɔn 'wɪ zɪɛ -a man. -Aflumun nɛn ya'a 'we dɪɛ, e 'wɪ tin 'ba -yrɛ blamin wei -ji. E -si -tɔ Bali 'lewei vizan zɪɛ -yrɔ, 'nan te 'e 'wɪ 'wɪdɪ "drɛ dɪ.

<sup>17</sup>Minnun 'bɔ zɪɛ, o ya "le 'nan, 'yi ku nɛn 'yi 'ka 'bɔala "ji "dɪɛ, -yee 'wɪ 'zɪ. En o ya "nyian 'le 'nan, laa 'bɛ wla "ji, en fulɔ cɪ ciɫanan "a "da "bɛ, -yee 'wɪ 'zɪ. Klun 'pɪ tiidii 'kpa nɛn Bali -a 'pla -wee yra yunan -a. <sup>18</sup>En minnun 'bɔ zɪɛ, 'wɪ -dandan nɛn waa ve minnun le te -a -ci "ka "dɪ. 'O 'bɔ 'ci 'sɔ wɪnɪn -wɪdɪ "bɛ, -a 'bɔ nɛn waa "paaman minnun ji, 'nan -e 'o o see "paa, -e 'o 'wɪ 'wɪdɪ "drɛ. Zɪ waa dra zɪɛ -e 'o minnun nɛn o -si tɪglɪ 'sia 'e -trɛ bɛ o man yɪ. <sup>19</sup>Waa ve minnun le 'nan, o 'ka "nyian fɛ -tɪ -le nɔan -a dɪ, te o 'bɔ o ya 'o drɛ wɪ -wɪdɪ "nɛn waa dra bɛ -yee nɔan -a. -Yɛɛ o -nan -nyaan. Kɔɔ 'wɪ nɛn min -a dra, en ya'a 'kɔlaman -e 'e 'pɛ 'si -a -sru "dɪɛ, te e ya 'wɪ zɪɛ -yee nɔan -a.

<sup>20</sup>Min nɛn e -kaa san Zozi Crizi nɛn -kaa 'sizan 'wɪ 'ji -a bɛ, -a -tɔ bɛ, te 'e 'pɛ 'si 'trɛda wɪnɪn -wɪdɪ -sru. 'Pian -te -a san 'li 'e da "nyian 'wɪnɪn zɪɛ -a va, en ya'a 'kɔlaman -e 'e 'pɛ 'si -a -sru "dɪɛ, -a 'le 'srannan "bɛ -yee -kɔndɪ -wɪdɪ "mlian -a tɛdɛ vɛ da. <sup>21</sup>Min zɪɛ -a "yi mɪn paan -e 'e vɪlɛ 'e -si tɪglɪ zɪɛ -a -tɔ dɪ. Kɔɔ Bali -le -pɛi -tɔ wɪnɪn nɛn waa paa "ji "bɛ, yaa -tɔ 'vaa, en e 'si -a -sru. <sup>22</sup>'Wɪ nɛn e 'bɔ min zɪɛ -a man bɛ, -kɔnnɛn "fli 'gɪvɛ -a da wɪ nɛn. Waa -fɔ 'nan: «Fɛ nɛn -plɛn fɛɛ 'a bɛ, yaa 'sia "nyian, yaa blɪ.» En «Sru nɛn o 'si -a -srunan bɛ, e 'li 'e da "nyian -feli -va.»

### Minsan Zozi Crizi -taa "nyian

**3** <sup>1</sup>'An beenun, 'fluba nɛn maan cren -tɛa -e 'an 'pa 'sia 'cɛɛ bɛ, -a "flizan nɛn 'gɪ 'va. 'Fluba "fli zɪɛ -a -ji bɛ, 'wɪ nɛn kaa -tɔa 'va bɛ, -a 'bɔ nɛn maan -cin -trɔa 'ka 'ji, 'nan -e 'ka 'wulo -ji "nrɔn "da tɪglɪ. <sup>2</sup>'Wɪ nɛn Bali 'lewei vɪnɔn -a 'vɪ 'li 'e 'cɛn bɛ, 'ka 'ci "nrɔn "da. En 'wɪ nɛn Minsan nɛn min 'sizan 'wɪ 'ji -a bɛ, yaa 'vɪ 'nan 'ka drɛ bɛ, 'ka 'ci "nrɔn "da "nyian. 'Wɪ zɪɛ -yee 'pasianɔn 'bɛ paa 'ka 'ji.

<sup>3</sup>'Wɪ nɛn e cɪ "le 'ka 'pla 'ka 'ji 'e tɛdɛ bɛ, -nyrɛn 'gɪ, tɪ -fɔla "da "ji bɛ, minnun nɛn o 'ta wo 'o 'bɔ 'ci 'sɔ 'wɪnɪn da bɛ o -kɔan. Minnun zɪɛ o 'ka sɛɛ wo. <sup>4</sup>Waa ve 'cɛɛ 'nan: «Zozi "e 'nan, 'e 'ta pee wo "nyian, -njɛɛ dɪv? En e ya "mɛn nyin zia? 'Kɔ tranun cɛɛn -kaadɪ man, en zɪ Bali 'trɛ drɛ 'li bɛ, fɛ -tɪ 'ka tian lɪlɛa dɪ.» <sup>5</sup>Minnun zɪɛ, -te o ya 'wɪ zɪɛ -a vɪnan bɛ, -a -cin 'ka o ji 'nan, 'trɛ tɛdɛ a 'li dɪ. -A -cin 'e 'kɔn 'ka 'ji 'nan Bali wei da nɛn 'trɛ 'lee la 'bɔla 'li 'kpa. 'Yi 'va nɛn Bali 'trɛ 'bɔla, en 'yi 'a nɛn Bali 'trɛ -sru cɛɛn. <sup>6</sup>Bali wei da nɛn "nyian laa -dan fɛn, en 'trɛ tɛdɛ zɪɛ 'e sɛɛ. <sup>7</sup>En Bali wei -tɪwɪli zɪɛ, -yɛɛ 'vɪ 'nan, 'trɛ 'lee labli nɛn -nan cɛɛgɪ yɪ -a 'gɪvɛ, 'tɛ 'bɛ -taa "o sɛɛlɛ. 'Pian Bali o ta -tɔ, -e tɪ nɛn e minnun -le tin "baa bɛ 'e bɔ. Minnun nɛn o yɪɛ 'ka 'naan Bali 'bɔ man dɪɛ, tɪ zɪɛ -a man nɛn e o -nan -nyaan.

<sup>8</sup>'An beenun, 'cɛɛ vɛ bɛ, -a -cin 'e 'kɔn 'cɛɛ 'ji 'nan, Minsan "le 'va bɛ, yɪ -tɪwɪli "cɛ "bɛ, le -kpi tɪ nɛn (1.000), en le -kpi tɪ bɛ yɪ -tɪwɪli "cɛ "nɛn.

<sup>9</sup>Min -mienun 'o 'ci "nrɔnman 'nan, 'wɪ nɛn Minsan -a 'vɪ bɛ, e 'ka -a dre nan tada dɪ. -Wee tin 'ka 'nɔnɔn dɪ, 'pian e -sɛanla minnun man -trɔɔ, kɔɔ e 'ka 'vale 'nan min -tɔ -nan 'e 'nyan dɪ. 'Wɪ nɛn e cɪ "va "bɛ, -nyren 'nan, min -tudɔ pɛɛnɔn 'o 'si 'o drɛ wɪ -wɪdɪ "man, -e 'o -sɔɔnla 'e -sru.

<sup>10</sup>'Bɛ a zɪ, 'pian Minsan -taa "kpɔ. -Yee -tadɪ dra kɪgɪli, "le 'nan zɪ crinzan -taa "min va bɛ -yee 'wɪ 'zɔ. Tɔ zɪɛ -a man nɛn labli 'tɛ 'blɪdɪ "siala -wuuuu, tɛ wa'a "nyian -a ye dɪ. Lajɪ fɛnun pɛɛnɔn 'yɪ bɔ 'tɛ 'lɔ, ɛn 'trɛ 'lee 'e 'ta fɛnun pɛɛnɔn 'nan -nyaan.

<sup>11</sup>-Yee "wean -pɛ nɛn e "sɔa Bali lɛ bɛ, -a man nɛn 'ka 'ta wɔ 'kpa tɪgɪ, kɔɔ zɪ fɛ pɛɛnɔn 'nan -taa "nyanle bɛ -a -cin a 'ka 'jɪ. <sup>12</sup>'Ka yɪɛ yra Bali -le yɪ zɪɛ -yrɛ, zɪ 'kɔ 'ka drɛ 'lɔɔ, -e 'e bɔ tada bɛ, -nyren 'ka drɛ. Yɪ zɪɛ -a da nɛn, 'tɛ labli -nan -nyaan "fo, ɛn yɪ zɪɛ -a da nɛn, lajɪ fɛnun pɛɛnɔn 'yɪ bɔ 'tɛ 'lɔ. <sup>13</sup>'Pian Bali 'e 'nan, 'e labli -trɛ dra, ɛn 'e 'trɛ -trɛ dra. Bali 'ci 'sɔ wɪnun 'saza 'bɛ dra fɛ zɪɛ -a -nan. 'Wɪnun zɪɛ -a man -pennan nɛn -kaa cɪ.

<sup>14</sup>'An beenun, 'wɪnun zɪɛ -a man -pennan nɛn ka cɪ, -yee "wean 'ka 'cee 'pleble pɛɛnɔn 'sia, -e 'ka yeɪ 'e 'kɔn 'e 'sendɪ 'e cin va 'ka 'vale Bali -a. ɛn 'ka 'cee 'pleble pɛɛnɔn 'sia "nyian, -e 'ka 'kɔn 'saun Bali 'lɛ, tɛ 'wɪ 'wɪdɪ -tɔwɪ 'e 'kɔn 'ka man dɪ. <sup>15</sup>'Ka -tɔ 'ka 'fli -a 'nan, -tɛ -kaa san 'e man -sran bɛ, e ya "va 'nan 'ka 'si 'wɪ 'jɪ. 'Wɪ -tɔwɪ zɪɛ, -kaa "bɔ Pɔl nɛn -cee min 'kpa -a bɛ, yaa cren -tɛ 'cɛɛ. Bali 'wɪ 'tɔdɪ -nɔn -yrɛ, ɛn e 'wɪ zɪɛ -a cren -tɛ. <sup>16</sup>-Yee 'fluba -tudɔ pɛɛnɔn 'jɪ bɛ, 'wɪ zɪɛ e ya -jɪ. ɛn 'wɪnun nɛn -a -ci a 'pleble bɛ, o ya -jɪ "nyian. 'Pian minnun nɛn, wa'a 'wɪ 'tɔa 'kpa dɪ, ɛn o 'ka 'o 'tɔdɪ Bali wei da tɪgɪ dɪɛ, waa -ci ve -wɪdɪ. ɛn Bali wei pee nɛn 'e 'cren -tɛdɪ bɛ, waa dra "nyian zɪ. 'Wɪ zɪɛ -a dɛdɪ bɛ e ya o 'bɔ 'fli -nan -nyan wɪ -a.

<sup>17</sup>'An beenun, 'cee vɛ bɛ, 'wɪ zɪɛ -a -cin a "cee 'jɪ 'va. -Yee "wean 'ka yɪɛ 'tɔ 'ka 'fli -va, "tɔgɔ minnun -wɪdɪ zɪɛ o 'ka see "paa. Kɔɔ o ya "vale 'nan 'o 'ka 'sia -si nɛn, ka ya 'ka 'tɔdɪ "da -kli 'va bɛ, -a da, -e 'ka -sɔɔnla o -sru. <sup>18</sup>'Wɪ nɛn e cɪ "le 'ka drɛ bɛ, -nyren 'nan: -Kaa san Zozi Crizi nɛn -kaa 'sizan 'wɪ 'jɪ -a, ɛn ka sɔɔnla -a -sru "bɛ, 'ka 'kɔ -a 'e 'lɛ, -e 'e 'yee "yɪ "nɔn 'cɛɛ. ɛn -a -tɔ nɛn kaa 'wɔ bɛ, 'e 'pa "da. 'Tɔ -dan 'e 'kɔn -yee vɛ -a cɛɛgɔ, ɛn 'e 'kɔn -yee vɛ -a 'li 'trilii. Amen!